



ԵՐԵՎԱՆԻ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԷՐԵՐՈՒՄԻ ՆՍՏԱՎԱՅԻՐ
(ՀՀ, համայնք ԵՐԵՎԱՆ, ԷՐԵՐՈՒՄԻ, ԽՈՐԵՆԱՅՈՒՒ Փ., մասնաշենք 162Ա)



ՈՐՈՇՈՒՄ

Հայցադիմումը վարույթ ընդունելու և ապացույց պահանջելու մասին

ԵԴ2/1966/02/24
11 Ապրիլի 2024թ.

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանը (այսուհետ՝ դատարան), նախագահությամբ դատավոր Գոհար Գրիգորյանի, ծանոթանալով «ԱԳՐՈԹԵՔԻՆՎԵՍՏ» սահմանափակ պատասխանատվությամբ ընկերության ընդդեմ Երևանի քաղաքապետարանի՝ թիվ ԵՔ-ՀԲՄԱՊՁԲ-24/1 ծածկագրով ընթացակարգի 04.01.2024թ. կայացված N 5 արձանագրությունը մասնակի անվավեր ճանաչելու պահանջի մասին քաղաքացիական գործով հայցադիմումին,

Պ Ա Ր Չ Ե Ց

Հայցվորի անունից ներկայացված հայցադիմումը Դատարանի 26.03.2024թ. որոշմամբ վերադարձվել է:

28.03.2024թ. հայցադիմումը ներկայացվել է կրկին, որը նույն օրը մակագրվել է Դատարանին: Հայցադիմումը՝ կից փաստաթղթերով, Դատարանին հասանելի է դարձել 08.04.2024թ.:

(1) Ուսումնասիրելով կրկին ներկայացված հայցադիմումը և կից փաստաթղթերը՝ Դատարանն արձանագրում է, որ հայցվորի ներկայացուցիչը վերացրել է Դատարանի մատնանշած թերությունը, ինչպես նաև հայցադիմումը ներկայացվել է ՀՀ քաղաքացիական դատավարության օրենսգրքով սահմանված պահանջների պահպանմամբ, և առկա չեն հայցադիմումի ընդունումը մերժելու կամ հայցադիմումը վերադարձնելու հիմքերը:

(2) ՀՀ քաղաքացիական դատավարության օրենսգրքի 234.6 հոդվածի 2-րդ մասի

համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Նույն հոդվածի 3-րդ մասի համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Դատարանը գտնում է, որ պատասխանողից պետք է պահանջել նաև ՀՀ քաղաքացիական դատավարության օրենսգրքի 234.6-րդ հոդվածի 2-րդ մասում նշված ապացույցները:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 5-րդ, 121-րդ, 122-րդ, 124-րդ, 125-րդ, 199-րդ, 200-րդ և 234.6 հոդվածներով՝ Դատարանը

Ո Ր Ո Շ Ե Ց

1. Կրկին ներկայացված հայցադիմումն ընդունել վարույթ և համարել առաջին ատյանի դատարան ներկայացված այն սկզբնապես ներկայացնելու օրը:
 2. Պատասխանող Երևանի քաղաքապետարանից պահանջել սույն որոշումն ստանալուց հետո՝ հնգօրյա ժամկետում, դատարան ներկայացնել թիվ «ԵՔ-ՀԲՄԱՊՁԲ-24/1» ծածկագրով գնման գործընթացի հետ կապված իր տիրապետման տակ գտնվող բոլոր ապացույցները:
- Որոշումն ուժի մեջ է մտնում կայացման պահից և ենթակա չէ բողոքարկման:

Դատավոր՝

Գոհար Գրիգորյան